

ՈՂՈՐՄՈՒԹԵԱՆ ԲԱՐԻՔՆԵՐԸ


Չկարծես, թե արժանաբանը դրամով կը գնուի, ո՛չ, այլ՝ յօժարութեամբ, որ դրամի միջոցաւ կը յայտնուի: Ոմանք կ'ըսեն. «Եթէ այդպէս է, ուրեմն դրամով կ'ըլլայ»: Դրամով չ'ըլլար, այլ՝ կամով, որովհետեւ այրի կնոջ մման դուն եւս կրնաս երկու դահեկանով երկինքը գնել, եթէ բարի կամեցողութիւն ցոյց տաս, առանց որուն նոյնիսկ ահագին արծաթով չես կրնար:

Աստուած արժանաբանը խոստացաւ ո՛չ թէ գաւաթ մը պաղ ջուրի փոխարէն, այլ՝ սրտի յօժարութեան, նաեւ ոչ ալ մահուան փոխարէն, որ ինքնին մեծ բան մը չէ: Ի՞նչ կ'արժէ հոգի մը տալը, երբ մարդը ինքնին ոչի՛նչ կ'արժէ: Մեր հոգին գին չունի առանց Քրիստոսի արեան, որուն համար սատանան կը նախանահ: Հետեւաբար, երկինք արժանաբանը ո՛չ թէ դրամով կը գնուի, այլ՝ կամովը անոնց, որոնք դրամ կուտան:

Ձեռքին տուածը ի՛նչ ալ ըլլայ, սրտի սէրը կը յայտնէ որովհետեւ. հոգիի ձեռքը տեսական եւ գործնական առաքիլութիւններն են: Եւ որովհետեւ կամքը եւ կարեկցութիւնը մարմնաւոր բաներէ վեր են, եւ յաղթանակը ո՛չ թէ արծաթն է, այլ՝ բարի կամեցողութիւնը, ի՛նչ որ յայտնի է այրիին օրինակէն, ուստի սրտի յօժարութիւն ցոյց տանք, որպէսզի ոչ միայն արժանաբանը ստանանք, այլև՝ սուրբերու փառքին հաղորդակից դառնանք:

ՃԱՌԵՐ

ՀԱՅՑ. ԱՌԱՔԵԼԱԿԱՆ ԵԿԵՂԵՑԻՈՅ Ս. ՊԱՏԱՐԱԳ



ՊԼՏՎԻԴ ԽՈՐՀՈՐՈՒՆ ՀՎՏԱՆՈՒՄԸ


2.- Պատրաստութիւն ընծաներուն

Գ.- ԲՈՒՆ Ս. ՊԱՏԱՐԱԳ կամ ՀԱՌԱՏԱՑԵԱԼՆԵՐՈՒ Ս. ՊԱՏԱՐԱԳ

Յիշատակութեան շարքին կու գան աւելնալու նաեւ բոլոր բարեպաշտ թագաւորներն ու աստուածաւէր իշխանները, որոնք արդարօրէն դարձան քրիստոնէական կրօնքի ամրակայման ռահվիրանները: Քրիստոնէական կրօնքը պետական ճանաչողութիւն ստացաւ շնորհիւ այն թագաւորներուն եւ իշխաններուն, որոնք ո՛չ միայն իրենց սրտերը բացին Քրիստոնէութեան Լոյսին դիմաց, այլ մանաւանդ՝ իրենց երկրին սահմանները բացին եւ քաջալերողը դարձան հաւատքի փթթումին ու ծաղկումին:

Եւ վերջապէս կը յիշատակուին բոլոր այն հաւատացեալները, այր թէ կին, ծեր թէ երիտասարդ, առանց սեռի եւ տարիքի խտրութեան, որոնք Քրիստոսի անունով ննջած են՝ հաւատքով եւ սրբութեամբ ...

Շարունակելի



ՔՈՒ ԽՕՍՔԻ ԽՄ ՈՏՔԵՐՈՒՄ ԵՐԱԳ Է ՈՒ ԽՄ ՇԱԽԴՆԵՐՈՒՄ ԼՈՅՍ (ՍՀ.119.105)

ՃԷ. ՏԱՐԻ

ԿԻՐԱԿԻ, 3 ՆՈՅՏԵՄԲԵՐ 2024

ԹԻԻ 44

ԿԻՐԱԿԻ ՕՐԵՐՈՒ ԱՍՏՈՒԱԵԱՇՆՉԱԿԱՆ ԸՆԹԵՐՑՈՒՄՆԵՐ

Ես. 22.15-25: Եփ. 1.1-14: Ղկ. 8.17-21

ՅԻՍՈՒՄ ՔՐԻՍՏՈՍԻ ՎԵՏԱՐԱՆԸ

ԸՍՏ ՂՈՐԿԱՍԻ

8.17-21

Չկայ ծածուկ բան մը, որ չյայտնուի եւ կամ գաղտնի բան մը, որ չգիտցուի եւ երեւան չգայ: Ուրեմն ուշադիր եղէ՛ք, թէ ինչպէ՞ս կ'ընդունիք այս խօսքերը, որովհետեւ ունեցողին պիտի տրուի, իսկ չունեցողէն պիտի առնուի նոյնիսկ այն՝ ինչ որ կը կարծէ, թէ ունի:

Յիսուսի մայրն ու եղբայրները իրեն եկան, բայց խոռոն բազմութեան պատճառով չկրցան իրեն մօտենալ: Լուր տուին իրեն, ըսելով. «Մայրդ ու եղբայրներդ դուրսն են եւ կ'ուզեն քեզ տեսնել»:

Յիսուս ըսաւ. «Մայրս ու եղբայրներս անոնք են, որոնք Աստուծոյ խօսքը կը լսեն եւ կը գործադրեն»:

«Մայրս ու եղբայրներս անոնք են, որոնք Աստուծոյ խօսքը

ԿԸ լսեն եւ ԿԸ գործադրեն»

Վստահաբար մեզմէ իւրաքանչիւրին փափաքն է ըլլալ եղբայր Քրիստոսի: Միրելիներ, կարեւորը կամենալն է: Եթէ կ'ուզենք Քրիստոսի եղբայրներ ըլլալ, իր կամքը պէտք է կատարենք, ականջ պէտք է տանք Աստուծոյ ձայնը լսելու աղօթքի ճամբով: Աստուծոյ ձայնը լսելու համար պէտք է լաւապէս ճանչնանք զԱստուած Աստուածաշունչին ընդմէջէն: Աստուածաշունչը մեր ամէնօրեայ հոգեւոր սնունդի աղբիւր դարձնենք, մենք՝ որ բոլորս անոր ծարար ունինք: Կարդանք, սնանկնք, այն ատեն պիտի լսենք եւ գործադրենք այն ինչ՝ որ կը պատգամէ մեզի Քրիստոս:

ՍՈՒՐԲԵՐ ԵՒ ՏՕՆԵՐ

ՄՐԲՈՑՆ՝ ՍՏԵՓԱՆՈՍԻ ՀՌՈՍԱՅ ՀԱՅՐԱՊԵՏԻՆ ԵՒ ՔԱՀԱՆԱՅԻՑՆ ԵՒ ՍԱՐԿԱՌԱԳԱՅՆ ԵՒ ԺՈՂՈՎՐԴՈՑՆ

Յ-րդ դարուն Հոռմի մէջ ապրած քաջ առաջնորդ եղած է Ստեփանոս Հոռմայ հայրապետը: 254 թուականին կը բարձրանայ Հոռմի աթոռին վրայ եւ կը գահակալէ մինչեւ իր նահատակութիւնը՝ 257 թուական:

Ստեփանոս Հայրապետ եղած է իր հօտը պաշտպանող եւ քաջալերող հոգեւորական մը: Ան նոյնիսկ դարձի կը բերէ եւ քրիստոնեայ կը մկրտէ Նեմեսիոս անունով հեթանոս իշխան մը եւ անոր կոյր դուստրը, որ մկրտուելէն ետք կը բժշկուի եւ աչքերը կը բացուին: Իշխանը նոյնիսկ սարկաւազ կը ձեռնադրուի եւ սակայն իր ունեցած հաստատ հաւատքին համար կը նահատակուի կայսեր կողմէ: Այսպիսով Ստեփանոս հայրապետի գահակալութեան շրջանին բազմաթիւ հոգեւորականներ եւ հաւատացեալներ կը նահատակուին Հոռմի մէջ:

Օր մը, երբ Ստեփանոս Հայրապետ Ս. եւ անմահ պատարագ կը մատուցէր, յանկարծ զինուորներ կը պաշարեն եկեղեցին եւ կը փորձեն խորտակել դուռը եւ ներս մտնել: Այն պահուն, երբ Ս. Հայրապետը կը հաղորդուի եւ կը հաղորդէ ժողովուրդը, զինուորները ներս խուժելով կը նահատակեն զինք իր արիւնը խառնելով Ս. հաղորդութեան սկիհին մէջ գտնուող Քրիստոսի սուրբ արեան: Հաւատացեալներ պատուով կը թաղեն գայն: 8-րդ դարուն անիւնները կը փոխադրուին իր անունը կրող վանքի մը մէջ եւ այնտեղ կը հանգչի ան այսօր:

ՀԱՐՑՈՒՄ ՊԱՏԱՍԽԱՆ

ԽՈՍՏՈՎԱՆՈՒԹԵԱՆ ԿԱՐԳԸ ԻՆՉՊԵՍ ԿԸ ԿԱՏԱՐՈՒԻ ՀԱՅ ԵԿԵՂԵՑԻՈՅ ՄԷՋ

Հայ եկեղեցւոյ մէջ ընդհանրապէս խոստովանութիւնը կը կատարուի հաւաքական: Ապաշխարութեան եւ խոստովանութեան եկողները ծունկի կու գան, իրենցմէ մէկը կը կարդայ «Մեղայ Ամենասուրբ Երրորդութեան» գղջումի աղօթքը, որուն մէջ յիշուած են կամայ եւ ակամայ գործուած բոլոր մեղքերը, իսկ քահանան մէջ ընդ մէջ կ'ըսէ. «Աստուած թողութիւն շնորհէ»: Գղջումի աղօթքէն վերջ, քահանան «Ողորմեսցի Ձեզ մարդասէր Աստուած» աղօթքը արտասանելով, Աստուծոյ անունով մեղքէ կ'արձակէ խոստովանողները:

Հաւաքական խոստովանութենէն զատ, անհրաժեշտ պարագաներուն ապաշխարութեան եկողներ՝ կրնան առանձին ներկայանալ քահանային եւ խոստովանիլ իրենց մեղքերը եւ բարի խորհուրդներ ստանալ անկէ՝ մեղքի դէմ պայքարելու համար:

ՄԻԱՄՆԱԲԱՐ ԱՂՕԹԵՆՔ

Քու Խաչը մեզի թող ապաւեն ըլլայ Տէր Յիսուս, երբ որ երեսա Հօր փառքով՝ լուսաւոր ամպերու մէջ: Այն ժամանակ, մենք չենք ամչնար՝ քեզ հաւատացողներս, այլ՝ Քու մեծ զօրութեամբդ կ'ուրախանանք, Քու աջ կողմը իբրեւ լուսոյ որդիներ, իբրեւ ցերեկուան որդիներ: Ամէն:

ՀՈԳԵՒՈՐ ՊԱՏԳԱՍ

ՔՐԻՍՏՈՍ ՕԱՐՏԱԿԱՆՈՒԹԻՒՆ ՏՈՒԱՐ ԵԿԵՂԵՑԻՒՆ՝ ԱՍՏՈՒԾՈՅ ԽՕՍՔՈՎ ՄՆՈՒՅՆՆԵՒՈՒ ՀԱՐԱՏՅԵԱԼՆԵՐԸ

«Երբ պանդոկէն պիտի մեկնէր, պանդոկապետին երկու արծաթ դահեկան տուաւ եւ ըսաւ. «Խնամէ վայն» (Ղկ. 10:35): «Պանդոկէն մեկնիլ» բացատրութիւնը չի նշանակեր Քրիստոսի հեռացումը եկեղեցիէն: Անոր մեկնումը մարմնաւոր հասկացողութիւն ունի: Քրիստոս ֆիլիքապէս հեռանալէ առաջ եկեղեցիէն «պանդոկապետին երկու արծաթ դահեկան տուաւ»: Պանդոկապետը՝ եկեղեցւոյ վարդապետներն են, իսկ երկու արծաթ դահեկանները՝ Հին եւ Նոր Կտակարաններն են, կ'ըսեն Ստեփանոս Սիւնեցի եւ Նարեկացի: Յիսուս եկեղեցիին երկու արծաթ դահեկանները (Հին եւ Նոր Կտակարանները) տալէ ետք, ըսաւ. «Խնամէ վայն»: Այս իմաստով, Քրիստոս եկեղեցիին պարտականութիւն յանձնեց, որ Հին եւ Նոր Կտակարաններով, այլ խօսքով՝ Աստուծոյ խօսքով սնուցանելու եւ թրծելու հաւատացեալները:

ՄԵՐ ՍՈՐՎԵԼԻՔ ՀՈԳԵՒՈՐ ԴԱՍԸ

Աստուծոյ խօսքին կաթը հաւատացեալներուն ջամբելը՝ կոչումն է եկեղեցւոյ:

ԵԹԷ ԿԱՍ ԵՐԲ Կ՛ՈՒՉԵՍ...

ԵԹԷ ՍԻՐՏԿ ԿԱՍՈՒԾՈՅ ՀԱՆՈՒԷՊ ԵՐԱՏԱՍԳԻՏՈՒԹԵԱՍԲ ԼԵՅՈՒՆ Է ԵՒ ԿՈՒՉԵՍ ԶԻՆՔ ԳԵՀԱՔԱՆԵԼ, ԿԱՐԿԱ՛ ՍԱՂՄՈՍ 67

Աստուած՝ ողորմէ՛ մեզի եւ օրհնէ՛ մեզ, բարեհա՛ճ եղիր մեզի հանդէպ, որպէսզի աշխարհը գիտնայ բուկամքդ, բոլոր ազգերը ճանչնան թէ դո՛ւն ես փրկիչը: Ժողովուրդները թող գոհութիւն յայտնեն քեզի, ո՛վ Աստուած, բոլոր ժողովուրդները թող գոհութիւն յայտնեն քեզի: Ազգերը թող ուրախանան ու ցնծան, որովհետեւ ժողովուրդները, եւ աշխարհի բոլոր ազգերը ի՛նքնդ կ'առաջնորդես: Ժողովուրդները թող գոհութիւն յայտնեն քեզի, ո՛վ Աստուած, բոլոր ժողովուրդները թող գոհութիւն յայտնեն քեզի:

Երկիրը իր բերքը տուաւ, Աստուած՝ մեր Աստուածը իր օրհնութիւնը մեզի տուաւ: Աստուած թող օրհնէ՛ մեզ, եւ ամբողջ աշխարհը թող երկիւղով պատուէ՛ վայն:

ԱՍՏՈՒԱԾՄԱՇՈՒՆՉԸ

Աստուծոյ Խօսքը՝ Սուրբ Հոգիին սուրբն է յանձնուած հաւատացեալին (Եփ. 6:17): Առանց այս սուրին՝ մարդը չի կրնար պարտութեան մատնել Սատանան: Քրիստոս Աստուծոյ խօսքին սուրով էր, որ յաղթեց Չարին, երեք անգամ կրկնելով. «Օրէնքի գիրքին մէջ գրուած է...» Խօսքը (Մտ. 4:4,7,10):